



UNIVERSITÄTS-
BIBLIOTHEK
PADERBORN

**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

520. An præsentare possit ad beneficium jurispatronatus competentis
Episcopo.

[urn:nbn:de:hbz:466:1-74203](https://nbn-resolving.org/urn:nbn:de:hbz:466:1-74203)

Questio 520. An Capitulum sede vacante presentare possit ad beneficium juris patronatus competentis Episcopo?

R Esp. negativè. Castrop. tract. 13. de benef. d. 2. p. 29. n. 8. Fermosin. tract. de Capit. sed. vac. q. 24. n. 9. Dian. loc. cit. resolut. 29. in fine. Ventrigl. tom. 2. §. 1. num. 52. Azor. Instit. mor. p. 2. l. 3. c. 38. q. 10. Garc. p. 5. c. 7. n. 52. citans Pavin. de potest. Cap. sed. vac. q. 5. p. 2. num. 3. & 5. Lambert. de jurep. l. 2. q. 2. a. 4. & 6. Idem de electione, dum ea spectabat ad Episcopum, sentiunt iidem AA. contra Lotter. l. 2. q. 2. n. 14. & 15. ubi, quòd jus eligendi, & presentandi competens Episcopo pari modo spectent ad jurisdictionalia, ac proinde pari modo non impediuntur transire ad Capitulum, sicut confirmatio & institutio. Eadem enim, quæ de collatione constituantur quòd ad hoc punctum, intelligenda quoque sunt de presentatione, & electione competentibus Episcopo; eò quòd prohibitio generalis sit, & hæc non minùs quàm collatio sint solum fructus dignitatis episcopalis, et si longè quid minùs quàm collatio, Fermosin. loc. cit. Adde, quòd presentare, & eligere non tam jure communi, sicut collatio, quàm frequentius jure speciali, & per accidens competet Episcopo. Et sanè de utroque constat ex Regula 2. Cancellar. ubi reservantur dispositioni Sedis Apostolicæ beneficia omnia spectantia ad collationem, provisionem, presentationem, electionem, seu quamlibet aliam dispositionem Episcopi, eo defuncto, seu sede episcopali vacante.

Questio 521. An, & qualiter competat Capitulo sede vacante presentatos instituire, dum nimirum institutio spectabat ad Episcopum?

R Esp. ad primum affirmativè. Fagn. in c. his quæ de major. & obedient. num. 57. Azor. loc. cit. q. 2. Barbof. jur. eccles. l. 1. c. 32. num. 63. & 95. Garc. de benef. p. 5. c. 7. num. 54. Lotter. l. 2. q. 2. n. 21. Pirh. ad tit. de major. & obed. num. 44. & 53. Ventrigl. loc. cit. num. 57. cum communi, juxta c. 1. de Instit. in 6. Succedit enim Capitulum sede vacante in jurisdictione episcopali ordinaria, & vel maxime necessaria, & quòd ad illos actus, per quos nulla sit rei alienatio, & qui non tendunt in præjudicium Episcopi futuri. Pirh. cit. num. 44. Jam verò instituire (idem est de confirmare) competunt jure Magistratùs, reputanturque ideo inter jurisdictionalia, seu fructus jurisdictionis, Lotter. loc. cit. num. 17. Pirh. loc. cit. estque actus jurisdictionis necessariæ, & dicitur collatio necessaria, Ventrigl. Pirh. ll. cit. non continens in se rationem donationis, aut gratiæ (ut facit collatio) sed potius donationis factæ confirmatio, & approbatio necessaria, & obligatoria, ut Castrop. cit. n. 8. sed est actus justitiæ, Lotter. num. 18. & 19. loquens de confirmatione (inter quam, & institutionem in hoc est omnimoda paritas) neque per illam res ulla ecclesie alienatur, aut ullum sit Episcopo successorii præjudicium. Si enim presentatus est dignus, debet institui ab Episcopo, nec potest rejici. Acque ita, ut inquit Lotter. cit. num. 21. ratio necessitatis juncta cum cessatione præjudicii Episcopi suadet, ut confirmatio æquè, ac institutio sede episcopali vacante transeat in Capitulum. Idque etiam ob communionem, quæ est inter Episco-

pum, & Capitulum, ex quibus constituitur unum corpus ad providendum ecclesie necessitatibus. Unde jam etiam, dum sede vacante vacat beneficium juris patronatus pertinentis alias ad Capitulum, Capitulum duplici jure fungitur, scilicet presentando jure Capitulari, & instituendo jure episcopali. Ventrigl. loc. cit. num. 60. ex Quarent. in sum. Bullar. v. Capit. sed. vac. vers. quæ conclusio. post principium.

2. Resp. ad secundum: Quòd si tamen presentati essent plures, ita ut locus esset gratificationi, tunc, quia hæc gratificatio judicio Episcopi reservatur per c. cum autem, & actus voluntarius, & graciosus judicatur, non merè voluntarius, & gratiosus, prout latissimè resolutum in Calagur. de Urbano. 29. Octob. 1608. & 4. Novemb. 1609. Hanc Lotterii doctrinam sequitur Ventrigl. loc. cit. n. 58. nisi quòd is loquatur de presentatis per patronos. Lotterius de presentatis in concursu; per quod intelligere videtur, quòd dum plures in concursu judicati sunt æquè digni.

3. Nihilominus Diana p. 8. tract. 4. resol. 26. cum Meroll. tom. 3. d. 7. c. 7. dub. 1. num. 107. tradit, quòd dum patronus presentavit plures Clericos æquè idoneos, possit Capitulum sede vacante ex iis instituire, quem maluerit, & sic exercere libertatem; eò quòd hoc proveniat per accidens ex tacita concessione & permissione ipsius patroni, qui, cum potuisset presentare unum tantum, presentavit plures, dando ipsi Capitulo potestatem eligendi & instituendi, quem maluerit ex presentatis; licet etiam posset patronus neminem presentare, sed dare facultatem Capitulo conferendi beneficium, cui voluerit.

Questio 522. An Capitulum sede vacante possit electos confirmare, & etiam electiones factas infirmare, dum confirmatio spectabat ad Episcopum?

R Esp. ad primum affirmativè Sbroz. de Vicar. Episc. l. 2. q. 70. n. 4. Fagn. loc. cit. & in c. cum olim. de major. & obed. n. 1. & ceteri AA. citati pro respons. 1. ad quest. preced. ex eadem ratione ibi deducta juxta expressum textum c. cum olim. de major. & obed.

2. Respond. ad secundum affirmativè quoque Ventrigl. Barbof. Pirh. ll. cit. cum comm. juxta citatum textum c. cum olim. ubi non solum jus confirmandi, sed & infirmandi electionem committitur Capitulo.
